



Broj: 05 – 036 – 269 /17
Sarajevo, 13.09. 2017. godine

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl.glasnik BiH“ br.39/14), nakon provedenog Otvorenog postupka a na osnovu Izvještaja i Preporuke Komisije za javnu nabavku br. 03-033- 1005/17 od 08.09.2017. godine, Direktor Zavoda za izgradnju Kantona Sarajevo,
donosi

ODLUKU

o poništenju postupka

1. Poništava se postupak dodjele ugovora za usluge „**Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Krka br.11, Općina Stari Grad**“,u skladu sa članom 69. stav (2) tačka d) Zakona o javnim nabavkama („Službeni glasnik BiH“ br. 39/14), jer nijedna od primljenih ponuda nije prihvatljiva.
2. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Na osnovu Odluke o pokretanju postupka javnog nadmetanja broj: 05-036-205/17 od 27.07.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-2-55-3-63/17 na portalu javnih nabavki, te obavještenje u „Sl. glasniku BiH“ br. 56/17 od 04.08.2017. godine, za „**Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Krka br.11, Općina Stari Grad**“

Na osnovu objavljenog Obavještenja putem Otvorenog postupka, tendersku dokumentaciju preuzeli su: „Georad“ d.o.o. Tuzla, „Winner project“ d.o.o. Sarajevo, „Institut za geotehniku i geologiju“ - Građevinski fakultet u Sarajevu, „GEO KONZALTING“ d.o.o. Sarajevo i „Design & QC“ d.o.o. Sarajevo.

Iz Izvještaja Komisijer je vidljivo da se Komisija sastala dana 29.08.2017.godine, radi preuzimanja i otvaranja ponuda za „**Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Krka br.11, Općina Stari Grad**“ koju su podnijeli ponuđači: „Georad“ d.o.o. Tuzla, „Institut za geotehniku i geologiju“ - Građevinski fakultet u Sarajevu i „Design & QC“ d.o.o. Sarajevo.

Komisija je otvorila ponude svih ponuđača i iz „Obrasca za cijenu ponude“ i „Obrascza za ponudu“ pročitala ponuđenu cijenu ponuda, dok su rokovi izrade usluge, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.Na otvaranju ponuda nije bilo ovlaštenih predstavnika ponuđača.

Komisija se ponovo sastala dana 06.09.2017.godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni





glasnik BiH" br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih usluga.

Komisija je konstatovala slijedeće:

- Uvidom u ponudu ponuđača „GEORAD“ d.o.o. Tuzla Komisija je konstatovala slijedeće:
 - Ponuđač je u svojoj ponudi dostavio kopije diploma i uvjerenja o položenom stručnom ispitu, ali je ispuštao da dostavi kopiju matične evidencije uposlenih kao dokaz i CV za predložene inženjere, kako je to traženo tačkom 13.4. b) Tenderske dokumentacije koja se odnosi na Tehničku i profesionalnu sposobnost - Član 48-51 Zakona o javnim nabavkama
 - Ponuđač nije upisao jedinične cijene u Predmjeru radova (Prilog 9) u stavkama 13, 14, 15, 16 i 17, te nije ispunjen uslov iz tačke 14. i) Tenderske dokumentacije gdje je jasno naznačeno „Predmjer – troškovnik treba biti ispunjen i ovjeren za kompletnu specifikaciju sa jediničnim cijenama u KM, za sve stavke troškovnika, bez dopuna, jer će ponude koje nisu popunjene na taj način isključiti iz postupka dodjele ugovora.“Zbog svega gore iznesenog Komisija je zauzela stav da se ponuda ponuđača „GEORAD“ d.o.o. Tuzla odbacuje u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14)
- Uvidom u ponudu ponuđača „Design & QC“ Sarajevo Komisija je konstatovala da je ponuđač u svojoj ponudi u Obrascu za dostavljanje ponude u tački 5. koja se odnosi na rok važenja ponude upisao datum 29.08.2017.godine, koji ustvari predstavlja datum otvaranja ponude, a ne datum važenja ponude nakon 90 dana. S tim u vezi ponuđač nije ispunio uslov iz tačke 23. Tenderske dokumentacije (Rok važenja ponude) gdje je jasno naglašeno „U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. Stav (1) Zakona“. Komisija je takođe konstatovala da je Nacrt ugovora (Prilog 10) koji je priložen u ponudi djelimično popunjen, tj. nije popunjen na način kako je traženo tačkom 27. Tenderske dokumentacije u kojem je naznačeno „Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora“. Komisija je takođe konstatovala da je Ugovor o poslovno-tehničkoj saradnji sa JU „Institut za urbanizam, građevinarstvo i ekologiju RS“ istekao 04.08.2017.godine, obzirom da je u Ugovoru istaknuto da isti vrijedi (1) godinu dana od dana potpisivanja Ugovora. Zbog svega gore iznesenog Komisija je zauzela stav da se ponuda ponuđača „DESIGN & QC“ d.o.o. Sarajevo odbacuje u skladu sa članom 60. Stav (1) i članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).
- Uvidom u ponudu ponuđača „Institut za geotehniku i geologiju“ - Građevinski fakultet u Sarajevu Komisija je konstatovala da Ponuđač nije upisao jedinične cijene u Predmjeru radova (Prilog 19) u stavkama 12,13, 15,16 i 17, te nije ispunjen uslov iz tačke 14. i) Tenderske dokumentacije gdje je jasno naznačeno „Predmjer – troškovnik treba biti ispunjen i ovjeren za kompletnu specifikaciju sa jediničnim cijenama u KM, za sve stavke troškovnika, bez dopuna, jer će ponude koje nisu popunjene na taj način isključiti iz postupka dodjele ugovora.“. Kako ponuđač nije ispunio uslove iz tenderske dokumentacije, Komisija je zauzela stav da se ponuda ponuđača „Institut za geotehniku i geologiju“ - Građevinski fakultet u Sarajevu odbacuje u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).

Obzirom da ni jedan ponuđač nije dostavio tehnički zadovoljavajuću ponudu Komisija nije vršila računsku kontrolu istih.





Komisija jw predložila Ugovornom organu i dala Preporuku da se u skladu sa članom 69. stav (2) tačka d) Zakona o javnim nabavkama BiH („Službeni glasnik BiH“ br.39/14) **poništi postupak** javne nabavke radova za „**Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Krka br.11, Općina Stari Grad**“, obzirom da nijedna od primljenih ponuda nije prihvatljiva.

POUKA O PRAVNOM LJJKU:

Protiv ove Odluke svaki od ponuđača može izjaviti žalbu Uredu za razmatranje žalbi **putem Ugovornog organa**. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka.

Naknada za pokretanje žalbenog postupka iznosi 500,00 KM a uplata iste se vrši u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog:

- Zapisnik o ocjeni ponuda

DOSTAVITI :

1. „GEORAD“ d.o.o. Tuzla
2. „Design & QC“ Sarajevo
3. „Institut za geotehniku i geologiju“ GF Sarajevo

